



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Heremi Dei Parae Matris Monasterii In Helvetia Ordinis S. Benedicti

Hartmann, Christoph

Friburgi Brisgouiae, 1612

Hermannvs I. Ex Comitibvs Vitodvranis Abbas Heremi Sextvs.

urn:nbn:de:hbz:466:1-38545



HERMANNVS I.
EX COMITIBVS VI-
TODVRANIS ABBAS
HEREMI SEXTVS.

A. D. N.

CID.
LIII.

A. D. N.

CID.
LIIII.



ANNO millesimo quinquagesimo tertio, Hei-
ricus Principum Tribuarie celebrem conuen-
tum habuit, utque filium cognominem an-
num tertium exeuntem Cæsarem designa-
rent impetrauit Idibus Decembris. Anno sequenti Leo-
ni IX. XIII. Kal. Mai. vitâ soluto, petentibus Romanis Ec-
clesiæ præsidem uti, daret, Gebhardum Eichstadiensem epi-
scopum Bauarum nuncupauit, qui Victor II. Vestigia hic se-
cutus Leonis Synodum Florentiam indixit, quo Imperato-
rem quoque invitauit, vbi multa super Ecclesiastico statu

disputata.

disputata. Heinricus verò ex Bauariâ, quam subegerat, & filio adsignarat, in Allemanniam venit, vbi nonnulla prædonum castella euertit. Ingrediente Quadragesima, Tigurum aduectus, secundo post Rheno, Maguntiacum, & Aquisgranum delatus est, vbi Heinricum eundem filium coronandum curauit, Hermanni Colonienfis archiepiscopi manu. Anno millesimo quinto & quinquagesimo exercitum in Italiam duxit, paucisque rebus in famam gestis, magnâ omnia, quæ vsus postulat, inopiâ, anno vertente, rursus deduxit. Eodem anno, obierat Reginboldus Heremi monachus, & primus Muri Præpositus. Igitur Vernherus Rathboti filius Comes Vindonissensis, siue Habsburgiensis, ad Hermannum abbatem accessit, vtque alium successorem mitteret Burchardum obtinuit, ex nobili, & veteri à Gossau familia. Hæc acta Murenfia, quorum verba adposui. *Igitur Reginboldus per cuncta laudabilis vir dum monasterium perfecisset pene vsque dum dedicari debuisset, fenestras quoque ex quadam parte adposuisset, die sua vocationis interveniente, defunctus est, vbi lapidi angulari, id est, Christo in aternâ structurâ pro suis iustis, & magnis laboribus, vt credimus, perenniter coniunctus est. Transit autem Idibus Iulij Heinrici III. temporibus. Sepultus est in monasterio ipso in summa parte anguli dextra absidis. Post eius depositionem Vernarius comes filius Radepotonis, qui sibi penitus locum vindicarat, pergens cum fratribus quibusdam, qui hic congregati fuerant, ad Cellam Heremitarum, obtinuit ab abbate Hermanno, vt huc alius Præpositus pro eo mitteretur, id est, Burchardus, valde reuerendus vir, qui erat natus de Gossau, apud Heremitas antè à principio nutritus, qui cum huc venisset, quidquid adhuc imperfectum invenit, scilicet pavementum, ac introrsus cum cemento murum liniendo, & fenestras, & laquearia perpetrando, & apponendo, sic alia multa compleuit, & perfecit, nec non libros, qui nondum perscripti fuerant, & quantum boni potuit facere in rebus omnibus instituit, & compleuit.* Anno millesimo quinquagesimo sexto Heinricus ex Italia Tigurum venit, ibique dies Christi natalitios

A. D. X.

CIX.

LV.

A. D. X.

CX.

LVI.

agitavit, Berchtamque Othonis Montisferrati marchionis, & Adelheidis filiam Heinrico F. quintum annum, & paucos dies supergresso, matrimonio despondit. Inde in Saxoniā profectus Botfeldæ 11. Nonas Octobris esse desijt, præfente Victore pontifice, & omnibus prope regni primoribus. Successit Heinricus F. sub tutela Agnetis matris feminæ ingentis prudentiæ, & virtutis. Bauariam Augusta donavit alteri filio Cunrado. Mathildæ filiæ vnica tutelam testamento Augusti suscepit Rumoldus Constantiēsis episcopus, tanta eius antistitis sapientiæ, & sinceritatis omnes fama tenuit. Anno sequenti functus etiam morte Otho III. dux Allemanniæ. Agnes Augusta ducatum dedit Rudolfo I. Comiti Rhinfeldensi principi egregiæ fortitudinis, & sapientiæ. Berchtoldus marchio Zeringensis, cui ducatum Heinricus ante obitum, dato in monumentum anulo, promiserat, cum id factum ægerrimè tulisset, ne turbas moueret, pauldò post ducatu Carinthiæ donatus est. Anno millesimo quinquagesimo octauo Victori successit Stephanus I. dictus X. tunc Abbas Cassinensis. Sequenti anno, Stephano successit Benedictus I. dictus X. quo, tamquā illegitimo, abdicare coactò, Nicolaus II. Heinrici Cæsaris voluntate præfedit. Eodem anno, Rudolfus dux Allemanniæ duxit vxorem Mathildam Cæsaris sororem, nō vltra annum superfuturam. Non defunt qui vi è Rumoldi episcopi cura raptam ab duce tradiderunt: alij secus memorant, & Cæsarem hac quoque ratione ducis animum, & fidem deuincire voluisse. Magna hominum, quadrupedumque totā Germaniā pestilentia his temporibus fuit. Anno millesimo primo & sexagesimo cū Nicolaus excessisset, Cardinales, & Ecclesię primores Alexandrum II. Pontificem dixerunt: Contra Heinricus, conuentu Basiliensi, à Romanis nonnullis publicæ tranquillitatis hostibus, pontificem dare inductus, Cadolaum Parmensem episcopū ad se ex Italia profectum pontificem summum renunciauit, qui dictus Honorius II. resuscitato inter partes longo, & pudendo schismate. Sequentis anni vere primo, tanta ventorum orta rabies frigore, niuibusque concreta, vt

aves, pe-

A. D. N.

CID.

LVII.

A. D. N.

CID.

LVIII.

A. D. N.

CID.

LIX.

A. D. N.

CID.

LX.

A. D. N.

CID.

LXI.

A. D. N.

CID.

LXII.

A. D. N.

CID.

LXIII.

aves, pecudesque peremerit, vineas, arbores, magnam partem perdidit. Secutus terræ motus, & inde pestilentia, futurarum calamitatum monstra, & portenta. Erat educatio Cæsaris, & omnium rerū constitutio fermè penes Episcopos, longeque super alios Anno Coloniensis eminebat. Eius Annonis petitione, & sollicitatu, Hermanniquoque abbatis pietate, & precibus, cum Basileæ fortè esset Henricus, monasterio Heremitarum priuilegium fecit, anno millesimo sexagesimo quarto, quo priuilegio, eadem iura, leges, & immunitates quibus vterentur frucentur subditi, & annexi, siue ministeriales Monasterij S. Galli, nostris quoque concessit. Eius hoc est exemplare.

A. D. X.
CII.
LXIV.

IN nomine sanctæ, & indiuiduæ Trinitatis. Henricus, diuinâ fauente clementiâ, Rex. Notum sit omnibus Christi, nostrisque fidelibus, tam futuris, quam presentibus, & sollers industria nouerit, Qualiter nos pro amore diuino, tum ob interuentum, ac petitionem magistri nostri dilecti Annonis Coloniensis archiepiscopi, ministris ad Cellam sancti MEGINRADI iure pertinentibus, nec non ob deuotam, & continuam orationem Herimanni abbatis eiusdem Cella, tale ius, quale seruientes ad abbatiam sancti Galli pertinentes visi sunt habere, concessimus, & condonauimus. Eâ videlicet ratione, vt ydem ministri præfatam legem, & iustitiam perpetuo iure inuiolabilem obtineant, & ipsi, eorumque successores, abbati illi, qui inibi nunc præst, eiusque successoribus, debitum seruitium, debitamque fidelitatem semper exhibeant. Et vt hac nostra concessionis auctoritas stabilis, & inconuulsa omni suo permaneat hanc chartam inde conscriptam, manu propria, vt infra videtur, corroborantes sigilli nostri impressione iussimus insigniri.

Signum Domini Henrici quarti Regis.

Sigishardus Cancellarius vice Sigfridi Archicapellani recognoui.

Data VII. Kalend. Martij Anno Dominica Incar-

M 4

nationis

nationis M. LXIII. Indictione II. Anno autem ordinationis Domini Heinrici quarti Regis. VIII. regni vero VIII. Actum Basilea. Feliciter. Amen.

Eodem anno, perfecto iam Murenſi monaſterio, Vernherus Comes Habsburgienſis, & Burcardus ſecundus Præpoſitus Rumoldum episcopum accerſuerunt qui dedicaret. Dedicatio facta eſt Titulo S. Martini Turonenſis episcopi v. Idus Octobris, magnâ vicinâ nobilitatis, & vicanorum frequentiâ. Anno ſequenti, obiit Hermannus abbas, v. Idus Aprilis, cum præſuiſſet annos xiii. menſem vnum, dies xxii. Erat ex Comitibus Vitoduranis qui Kiburgum etiam condidere, & Kiburgenſes ab eo denominati ſunt. Habuit fratres Luitfridum, qui ipſum morte præceſſerat, & Adelbertum tum Comitatum adminiſtrâtem. Primus fuit quem infulam, & pedum ab Leone IX. Pontifice, ceteraque pontificalia ornamenta impetrâſſe, Heremi monumenta tradunt. Nonnulla manu ſcripta eidem Leoni ſanguine coniunctum fuiſſe notant. Singularem fuit apud regni Principes, & vicinam nobilitatem amore, & honore. Heremita poſt eum legerunt Heinricum ex Comitibus Lupoduni, Stulingorum Landgrauis.

A. D. N.

CIX.
LXV.



HEIN.